

Huradonan pa Sparkling Tour 2006 ta conoci caba

Ta den full expectativa pa evento Diadomingo awor



ORANJESTAD (AAN): E panel di huradonan pa e prome show e aña aki di Sparkling Tour ya ta conoci caba. Nan ta e conocido musico y maestro sr. Chucho Hoek, Dj announcer, cantante, compositor y arreglista di e banda Honeypot sr. Chayo Tromp; conocido cantante y estudiante sr. Edjean

Semeleer, popular cantante local señora Mirugia de Cuba y Maestra y docente na Colegio Arubano y Instituto Pedagogico di Aruba pa Musica y Canto señora Maybeline Arends Croes.

Tur e huradonan tin hopi expectativa pa Sparkling Tour 2006 y nan ta spera cu e evento ta mes of mas exitoso cu esun di aña pasa.

Algun ingrediente cu e huradonan ta buscando den e "Next Youth Star 2006" ta: (*) Potencial pa ta un artista, (*) Originalidad, (*) Creatividad y "Risk Taking", (*) Un voz commercial, (*) "Stage performance" y "attitude", (*) Potencial como "performer", (*) Disciplina y Humildad, (*) "Star Style", (*) Talento Maximo, y (*)

Carisma.

Kico ta algun di nan expectativa pa Sparkling Tour 2006? Pa encurasha nos hobennan pa hacie uso y demonstra nan talento!

Pa esun cu gana sparkling tour usa parti di nan premio pa graba un album y tambe video clipp y bute riba mercado y semper sigui activo den e mundo di

musical! Cu e ganador maximo, sigui den e ramo di musica, pone un produccion riba Mercado, sigui un studio of curso di musica y mehora su mes den e direccion di e mundo di musica.

Cu nos lo bay descubri y presencia atrobe hopi talento scondi, kendenan lo haya un bon oportunidad pa demonstra nan talento y capacidad.

E aña aki Sparkling Tour un biaha mas ta bay conta cu sr. Hildward Croes, den su calidad di arreglista y director musical pa e acompañamento profesional di e cantantenan cu su "all star" band". E huradonan ta convenci cu un biaha mas e Sparkling Tour lo ta uno exitoso, cu niun hende por keda sin mira of presencia.